

Phra' kham dé' koon ngaak
go' oor da'

Bwwng thrni' swng dé' Phra'
Yésu



Gôn kooc: Edward Hughes

Gôn tèèng hruup: Byron Unger; Lazarus
Alastair Paterson

Gôn kdoon: E. Frischbutter and Sarah S.

Gôn tèèng hrlo': www.Christian-translation.com

Gaay caak: Bible for Children
www.M1914.org

©2022 Bible for Children, Inc.


Sit: Mé ah sit kooc uun lwang gi, 'nay mé am ah sit téc no.



Phra' Yésu go' tènèng maak thrni' swng. Bwng thrni' swng mook guñ Phra' Yésu grop meh Koon dé' Phra' Cav. Thrni' swng tang ngwan da' môôy mah srya'. Môôy nèèv go' yar khwan. Am ah buuc yo' lôôc jwm gôn.



Ba Maria, ma' dé' Phra' Yésu, go' mook Ge
neeng nèèv gi, lèèv go' lav bwwng gôn
rapsay méc krlloh srô' dé' Phra' Yésu.



"Yoh dwang ôm yoh séh da' day
hmpuur gi", Phra' Yésu go' lav.
"Ôm?" no go' maañ. Grop, Phra'
Yésu go' hrlo' khro ôm.



Hôôc, Phra' Yésu
hrlo' khro môôy gôn
rapsay hyua wak da'
môôy hmpuur kdwang
kap tang cavnaay
mah srya' go' hyua
wak. Ôm 'nay kh'ni'
meh buuc! Buuc le'!
Buuc le' tkbôôk
rôôk krséér!




Bwng gôn rapsay go' oor
yo' viir. Phra' Yésu go'
loong lwam ôm keet meh
buuc. Lwng ah Phra' Cav
tèèng bwng thrni'
swng hmwan dôk gni'.



Phra' Yésu tèèng bwwng thrni'
swng gbang. Môôy pswam, Ge
kap bwwng luuksit yoh guut kluang
gaang dé' Pétrô. Ma' kmbra'
dé' Pétrô srma' héng.



Phra' Yésu yoh dwn léh gôn cu' gni' hôôc ge go' kmsang an sngcu' ni' du' caak loh dé' na. Srma' gni' go' le' c'êêt. Hôôc c'man gni' na go' reh dwn, lè' yoh rapsay Phra' Yésu broom pa' yo' dé' ge.



Root ñaam matbri' tng-réng léh ci guut. Gaang gme'
ah gôn cu' gôn vaar ah rôôk ah phñaat, no go' oor
yoh - gôn mat lwk, gôn
sluut, gôn srô' am bay
hluh, gôn plia gôn looy.
Bwwng gôn ah hrôôy
hnoong blwar da' no
go' yoh Phra' Yésu.
Ge jooy khooy bwan
maak gôn bo'?



Phra' Yésu, Koon dé' Phra' Cav, Ge jooy khooy
bwan. Phra' Yésu go' jooy khooy. Lôôc jwm
gôn yoh Ge bwan srnwm. Bwung gôn plia gôn
looy go' srlaay bwan.



Bwwng gôn gbang yoh,
bwwng gôn ah huur ah
h'éép lih pa' loh.




No go' le' go' sèng
mwa Phra' Yésu
srnwm yo' no.



Cmbro' gôn kap cmkwn baang gôn ah hngghvaay thuk
hrñwam yoor sah hrôôy go' reh dwn Phra' Yésu.

Ge go' srông hrôôy
hlian nook no.

Mwa nhữnng hrôôy
méc krloh srô',
bwwng gôn hnoong
ngo' 'nay kh'ni' dé
go' khrayh nêêm.



Ñaam gni' ah puul gôn oor yo' dé tlyông gôn pia
looy môôy gôn gaay root hni', hôôc no sèèl ci tlyông
gôn pia gni' guut plah da' t-hna mat dé' Phra' Yésu.
'Nay am ah 'moon ci guut coro yoor swng ah gôn gw'.
No ci tềng hmeh?



No tang ga da' jông hôôc rw
phraang gaang an ah hntu', lè'
tmluuy gôn plia looy gni'
broom pa' grwam sih dé'
ge pjuur da' ling gw'
gôn t-hna mat
Phra' Yésu.



Mwa Phra' Yésu guuñ no ah hrlo' swa nèèv ni' ge
go' lav yo' gôn plia gni' sah,
"Yè' eey! 'Maap dé' mé
bwan jeh pic lèèv. Ô' an
mé reh dwn hôôc
kdoon grwam sih dé'
mé gaay da' gaang
cem". Da' c'man gni'
gôn plia go' reh dwn
da' t-hna no gw'
gôn, hôôc rw grwam
sih yo' dé geey sih
gni' ñaang gaay da'
gaang broom. Phra'
Yésu go' srnwm ge.



Yat yoh ah môôy mw, Phra'
Yésu go' guut cloong broom
luuksit dé' ge. Hôôc ah
hngkuur hndreey rèèng
gaay huur cdwp ôm thlé,
klba guut kluang cloong
léh ci kiñ cam no ngo'
ci haan. Phra' Yésu
go' sih looc.




Bwng luksit tang gaay
phreh Ge, "Acaan eey,
Acaan eey! Khro an jooy
khooy i'." , no go' lav.
"I' léh ci haan hnlép
ôm lèèv khi!"



"Yoh thrni' léét," Phra' Yésu go' pndrèh reh hôôc
haam hndreey hngkuur, haam ôm klba an léét rngat.
Da' c'man gni' hndreey kap ôm klba go' rngat laac
yoh. "Ge gôn gi meh me'?"

Bwwng luuksit dé' ge oor yo'
dé ngo' lè' viir hôôc lav.

Pa' hndreey pa' ôm
go' ñoom hmñèng Ge.



No dwwm Phra' Yésu meh Koon dé' Phra' Cav yoor sah
bwwng thrni' swng mook guuñ sit lè' amnaat dé' Ge.
Bwwng luuksit am neeng nèèv gni', 'nay no ci guuñ
Phra' Yésu tèèng bwwng thrni' swng le'
lwwn da' ñaam thi Ge rapsay
Phra' Cav da' Koon Mnut.



Bwng thrni' swng dé' Phra' Yésu

Môôy lwang gaay caak Krloh srô' dé' Phra' Cav,
Phra' kham

bwan guuñ yat da'

Matthaay 8-9 Mark 1-2, 4
Luka 4, 8 Yôhan 2

"Ngor dé' Krloh srô' go' oor da' sèèng trbah."
Phra' kham 119:130



Da' knswt



Lwang Phra' kham gi mook í neeng ñak Phra' Cav hnam jông,
Ge keet í kap meh Ge cu' an mé neeng ñak Ge.

Phra' Cav neeng í tènèng bwwng lwang sua, Ge lav meh 'maap.
Bwp thôôt yo' 'maap meh haan, 'nay Phra' Cav yo' ô' rak mé
maak Ge go' srông koon cmbro' knmôôy gôn dé' Ge, Phra' Yésu,
haan da' s'oong klnèng kap bwp thôôt yo' 'maap dé' mé. Hôôc
Phra' Yésu reh caak haan kap na go' vér gaay svan 'moon le'
'moon sm'maay! An mé dwwm Phra' Yésu kap khro an Ge hrlo'
klwyh hrlo' 'maap, Ge ci tènèng lwang thrgi! Ge ci go' yoh da'
kap yat broom mé gay kap mé ci yat broom Ge am laac yoh
'môôy bat.

An mé dwwm gi meh srme', yoh maañ Phra' Cav sah:
Naay eey!, Ô' dwwm Ge meh Phra' Cav, kap ci meh gôn haan
yoor sah 'maap dé' ô', kap 'nay kh'ni' Ge reh caak haan. Khro
an Ge yoh da' blah ô' kap hrlo' klwyh hrlo' 'maap dé' ô', lèèv ô'
ah jua hmmé', kap môôy mw hmeh ci bwan yat broom Ge am
laac yoh 'môôy bat. Khro an Ge tènèng hmeh yo' ô' méc krloh
srô' dé' Ge kap blwar yoor sah Ge meh koon dé' Ge. Amen.

Aan Phra' kham kap maañ Phra' Cav jwmmw! Yôhan 3:16

